

## LA USC DI LADINS – VENERDI' 9 MARZO 2012

### *Miné da scrì*

*Il ladino, cioè una lingua ladina non esiste. Esistono solo tante parlate diverse, ma simili*

Chëstes döes frases é contignüdes „ala parora“ te n test de n depliant menè fora dan da döes edemes cun La Usc di Ladins da pert dl direttur dl'Istitut Ladin Micurà de Rü. Chësc é n fat documentè y düc po jì a se lì do le passus. Sce jënt se damana - cun rajun präibel - ci che le direttur dl'Istitut Ladin Micurà de Rü mina cun de te' „formulaziuns“, ne podess chësta nia ester na cossa ria da capì. La gran pert dla jënt tègn sön le ladin y al ti sta a cör. Mo sce al vëgn sëgn dopormez dit – ci che fej sambëgn plajëi – che an ne l'à nia minada insciö, spo mësson formulè n ater iade le pinsier n pü' atramënter. Ara ne va nia da dì „al plöi“ y miné che i atri capësces „al dà sorëdl“.